

劉兆祐博士主編
中國史學叢書三編

萬曆重修泉州府志
(三)

臺灣學堂書局 印行

劉兆祐博士主編
中國史學叢書三編

萬曆重修泉州府志
(三)

臺灣學堂書局
印行

吳州府志卷十

武衛志上

詩禮韜鈴均效國家用也清平之世誰能
兵居有蒐閱之典行有杖杜之勞而將實統
之或振纓世胄或奮蹤草野得之非易需之
甚殷頃歲山海寧謐其狎戈矛饒籌略預桑
土之綢繆者亦惟上所驅使焉作武衛志第

六

昔無諸率旅佐漢始開閩越唐光啓間廖彥若守
泉王潮擁中州勅兵攻圍閱歲餘僅廼克之區區

閩海之衆以戰以守自有餘銳宋初收天下精壯
爲禁軍留本州鎮守者爲廂軍禁軍就糧各州者
仍禁軍之號泉有澄海威果全捷廣節指揮名號
時迭更易營地各有屯駐大約額軍三千二百有
奇而壯城牢城指揮所統不與馬額軍之外有諸
寨土兵晉江石湖惠安小兜南安石井潘山德化
雲峰里計戍兵一千五百有奇又有諸縣弓手隨
產戶催募計三百八十有奇嗣後海寇告警始置
水澳寶林法石三寨各有屯戍以殿前司左翼帥
領之嘉定間海寇犯圍頭守真德秀請增法石兵

至二百人而移寶林兵百二十人戍圍頭立寶蓋
寨其正將則建牙法石諸屯並聽命焉自是修戰
艦勦營房法日益加密至元時調揚州湖州軍戍
泉厥後廼設萬戶府與土軍相參亦知用客兵之
非策也

國朝洪武初以郡治建泉州衛旁列五所已廼城水
洩爲永寧衛城小兜爲崇武所城廈門爲中左所
復於大擔南大武山外建浯嶼水寨扼大小擔二
嶼之險絕海門月港接濟之奸與福州烽火小埕
興化南日漳州銅山聲勢聯絡其爲全閩計甚周

先年烽火南日二寨移入內灣浯嶼寨復移廈門
縱賊登岬而後禦之無及矣嘉靖戊午浙江舟山
倭徙巢梅柯復駕舟出海泊于浯嶼負嵎莫撓四
出剽掠興泉潮廣並受其害越一載迺揚帆去此
已事之殷鑒也譚巡撫綸總兵戚繼光議請復舊
旋復旋罷近又移浯嶼水寨於石湖說者謂濱海
四郡隔藩籬而懷耽毒原非便計迺石湖則於內
地尤近置鯨波若罔聞矣儻亦一長慮乎至于鄉
兵之設卽宋人置土兵弓手遺意維時瑟絃方急
難以膠柱而獨募土著省客兵則于今可商略云

今營房水寨官兵哨船信地開列于左其舊
屯田詳見版籍志不具列

營房

泉州衛左千戶所營六百三十間在舊通淮門內左右沿城

右千戶所營七百一十間在東門內左右沿城 中千戶所

營七百一十二間在南門外及水仙門左右沿城 前千戶所營

六百九十間在西門外及臨漳門左右沿城 後千戶所營七百

七十間在北門左右沿城

永寧衛左千戶所營八百五十間在海寧門東街今存一百一十二間

右千戶所營八百四十間在永清間西直街今存一百一十二間

中千戶所營八百四十九間

在東瀛門東面街今存一百零八間

前千戶所營八百四十間

在金鰲門南街今存一百一十間

後

千戶所營八百四十九間

在玉泉門北街今存一百二十九間

福

全千戶所營八百五十三間

在本所城中

金門千戶

所營八百六十間

在本所城中

高浦千戶所營一千

二十五間

在本所城中

崇武千戶所營九百八十七

間

在本所城中

衛所旗軍

建州衛統五千戶所原額操海屯種等旗軍共六

千一百四十七名除以前逃亡事故外今見在

糧操海旗軍餘紀一千二百三十六名屯種旗軍
三日四十四名

永寧衛統附衛五千戶所原額操海屯種等旗軍
共六千九百三十五名除以前逃亡事故外今見
在食糧操海旗軍一千三百九十四名屯種旗軍
七百八十三名

福全千戶所原額操海屯種等旗軍共五百七十
五名今見在食糧操海旗軍一百一十六名屯種
旗軍一百一十七名

金門千戶所原額操海屯種等旗軍共一千五百

三十五名今見在食糧操海旗軍六百一十八名
屯種旗軍七十四名

高浦千戶所原額操海屯種等旗軍共一千二百
五十八名今見在食糧操海旗軍五百八十八名
屯種旗軍二百單一名

中左千戶所原額操海旗軍一千二百四名今見
在食糧差操六百八十四名

崇武千戶所原額操海屯種等旗軍共一千二百
二十一名今見在食糧操海旗軍六百單二名
種旗軍一百九十四名

慶志云國初泉永二衛尺籍有歸附軍有投充軍有謫發軍有改調軍或爲正管軍或爲帶管軍共萬二千有奇比制額過之其訓練歲二月中旬至夏至止七月中旬至冬至止出海備倭以中下班更迭月支亦有定制石二斗爲軍總旗八斗爲差操正軍加行糧四斗爲出海備倭軍六斗爲隻身紀錄軍三斗爲老幼存卹軍三分守城七分屯種糧出於所種田而以餘糧輸官爲不支糧屯軍本府原派廣平等七倉秋屯鹽本折色九萬四千有奇亦定制也民出穀養兵兵荷戈衛民兵食俱

足民亦不困太平日久軍政不修逃故日多清勾
無法於是所存視制額僅五之一屯因失額操因
缺伍及至有事時廼抽選軍戶以兼團練謂之餘
丁軍招集市井無賴謂之募兵調於各省謂之客
兵又增派民戶丁糧於舊制外以爲一鄉防守謂
之民兵與鄉兵兵增於衛所之外餉增於本折之
外皆一時權變非國家經常之規矣足食足兵修
舉振飭必自查復舊制始

民兵

洪武初立民屯萬戶府衛民間武勇編成隊伍以

時操練有事用以征戰事平復還爲民有功者一

體陞賞正統十四年命本地官司率領操練天順

元年命鞍馬器械悉從官給弘治二年選取民壯

須年二十以上五十以下精壯之人州縣七八百

里者里二名五百里者里三名三百里者里四名

一百里者里五名春夏秋月操二次至冬操三歇

五六年令官司私役民壯者以私役軍餘例罪之

嘉靖年間先後遍減本府實存機兵一千四百六

十六名

每名工食銀七兩二錢

隆慶以後復遍減扣工食

充餉今見在機兵七百三十名

晉江縣九十名

舊教場在縣北
花營後今廢

南安縣一百二十名

舊教場在縣治西里

餘今廢

同安縣一百八十四名

舊教場在厚德門外里許今廢

惠安縣一百四十名

舊教場在南郭外里許今廢

安溪縣八

十名

舊教場在縣治南今廢

永春縣八十名

舊教場在白馬山下今廢

德化縣八十名

舊教場在社壇致齋所今廢

嘉靖三十七年

該都御史王詢又行令七縣添設鄉兵專備城守

共八百四十六名今裁革

機兵額設工食選時精壯慣習捕盜者方

掌印官提督操演儘可得其用命鄉兵無有一

養之無道教之無素強令操戈實滋擾害正德

王司馬
考

本府設晉江等縣各巡檢司共一十九處額編各

司弓兵共一千六百五十名

每名工食銀七兩二錢

嘉靖三

十九年奉文每弓兵百名內裁減三十名扣銀解
布政司充餉四十二年又奉文裁減每巡檢司只
留一十二名後又奉文有併司裁革者今本府各
縣只存哨探盤詰弓兵共一百六十六名晉江縣
圍頭烏潯祥芝深滬四巡檢司各原設弓兵一百
名今存各一十八名共七十二名南安縣灣頭巡
檢司原設弓兵三十名今存一十八名同安縣官
澳田浦峯上陳坑高浦塔頭烈嶼七巡檢司各原

設弓兵一百名今田浦陳坑二司裁革塔頭改設
白礁官湧司今存三十二名峯上司今存三十八
名烈嶼司今存一十九名白礁司今存一十四名
芋溪巡檢司原設三十名今併司裁革惠安縣
尾獺窟黃崎小岞四巡檢司各原設弓兵各一百
名今存各一十八名共七十二名安溪縣源口渡
巡檢司原設弓兵六十名德化縣高鎮巡檢司原
設弓兵三十名今俱併司裁革

隆慶志云洪武至正統年間經畧諸臣江夏侯焦
侍郎等官自福寧州以達漳泉置衛所共二十五

巡司四十有五水寨五處衛所巡司以控賊於陸
水寨防之於海則知巡司衙門雖小而與水寨同
時建設所以聯絡聲勢保障居民也邇年兵餉缺
乏扣銀解充似亦一時不得已之權今海防無儼
生齒日繁彼處離城寫遠則流官彈壓與弓兵防
守皆似難免者况土民魚鹽爲生慣習風濤尤堪
水戰飛石放鏢迺其長技近年屢與賊鬪賊亦畏
之若以弓兵工食就彼招募土民籍之于官且耕
且守禁其剋削作其銳氣卽勝兵千餘不召而集
恐客兵不及也